

師

荔

廉

詩

集

卷

九

八

師荔扉先生詩集卷十八

雲南叢書集部之三十三

滇西師 範荔扉

吾亦愛吾廬寤語

還家二律述悲兼以誌痛也

還家如隔世不死是重生
蕭瑟粉榆影荒唐骨肉情
九原痛難作白日慘空橫
眼任枯雙淚雲封墓道平
誰信今如此凋零到狗猫
夢從真後覺魂已別時消
遺挂無由覓虛帷尙可招
伶仃兩兒女含淚說漂搖

經故宅

病起村南步夕暉偶經故宅寸心違
登樓已是無人在

繞屋徒然有燕飛
檻廢塵堆拋後鏡
窓頽蛛網織殘機
風流雲散真堪痛
顧影難禁淚滿衣

己未冬杪過張鈍菴書屋感題二律並示鈍菴諸
及門

此間亭館記同遊
五載重來髻欲秋
撒手君真出泥水
論交我素薄車裘
一棺天末何由返
萬事人間各自休
淒絕景忠菴畔路
滿林霜葉晚颼颼

傳經知不少侯芭
車過西州日影斜
有子昔曾看坦腹
幾人今肯賦懷沙
虛堂月上琴尊靜
老屋燈昏磬咳遐
門外依然支片石
坐談誰與落天花

景園孝廉招飲退菴先生書樓有作

路轉城東野色新
此間端合住幽人
琴書願結三生石
桃李花開二月春
畧剪蓬蒿張仲蔚
閒調水墨李公麟
高門世世傳清德
壁有仙禽代寫真

遊巍寶山宿得句樓率成二律並柬諸同志

開疆爭說細奴羅
蒙詔遺蹤此處多
文治早懸新日月
霸圖空指舊山河
桃花暗雜梨花放
白女偏隨黑女歌
打坐依然留片石
時餘紫氣覆層阿

元極宮前花亂開
含真樓倚碧雲隈
曲穿蒼莽微成路
深鎖幽溪別起臺
坐守黃庭人幾輩
擬傳丹訣我初來

竹林仙去松巖渺，屢欲題詩費剪裁。

簪巖以詩見，謫依韻答之。

浮生事類釜炊沙，石可成糧玉有芽。
蓋世文章霜後葉，震天勲業浪中花。
眼看夷蹠同千古，悟入緇黃各一家。
拍手全空塵土累，更無心去註南華。

偶向晴天借點蒼，登樓四面好山光。
琴留絃在何須鼓，詩任僧傳不用藏。
鎗細可能無耳寄，廐焚猶慮有人傷。
夔蛇各具憐蛇想，一足難將百足當。

寄酌蘇丈柏軒

清名卅載重詞場，春色濃消鏡裏霜。
文獻此邦留碩果，

里間三輩仰靈光人來北海尊常滿榻下南州夜未央
與狄兼謨同一例耆英有會莫相忘

寄蘇四丈硯北

歷盡關河興轉孤廿年前事總模糊忘情且任楊生肘
閱世真同鬼畫符酒可澆愁成莫逆詩求拔俗費工夫
杜門誰道交遊寡沈謝曹劉盡識吾

訪楊南村三兄有贈

相尋不厭陟坡陀龍應山前結伴過喜有松雲晴欲滴
自憐筋力老能多八年離緒懷風雨萬里歸心寄薜蘿
經學知君同伏勝鏡中雙鬢未全皤

寓州城澤珊司馬疊次招飲卽席紀事

卸帆曾泊鄭公鄉師友淵源此處長

謂霽軒笏岩兩師並申浦太守昆玉

滿酌蘭陵城外酒江光海色兩茫茫

荒城斗大錦湖濱九里零星六里貧修得文人權作牧
一時山水盡生春

紫薇花放日西斜制草人人識大家回首綸扉清秘地
忽從天半落朱霞

卧閣垂簾一事無筆床茶臼費支吾停琴聽盡瀟瀟雨
閒撫幽風入畫圖

軍儲使節日紛紛沒米爲炊四境聞雞犬不驚民不擾

花風吹墮印床雲

鹽莢鐫人政本苛喜從新令沐恩波瘡痍漸退神猶憊
觸事還勞費撫摩

獅兒玉雪已能賢詠絮才高舉案前吮墨調朱餘事足
一家人是地行仙

翠影檀欒竹亞枝板橋疎柳碧蓮池一尊招作堂前客
半採民風半說詩

西子湖頭月幾圓金城紫塞草芊芊歸來已似溝中枿
着意吹噓向日邊

味別淄澠百不淆肯將簪紱禮蓬茅他年秉鉞長安路

應念車前有舊交

柬趙州尉

仙尉生涯短簿衙
小庭人散草纖纖
偶來瀹茗消長日
滿座山光不下簾

茶船用澤珊司馬韻遙同琴山芻山

酒海詩瓢枉得名
畫船許向掌中擎
全拋帆楫東西送
時整槍旗晝夜行
載重終須防水厄
開遲豈是爲潮平
當筵渡任徐徐喚
透腋風還習習生
把盞相懽欣利涉
流杯有式戒持盈
每于鑪畔停篙待
那用江頭打槳迎
遞入玉川歸獨緩
操從鴻漸去猶輕
新詞合向茶經補

客散花陰一葉橫

次凡仙韻二律

荷茶

別樣紅蒸別樣茶。偶分靈液自仙家。塵心半欲消香粉。
渴吻翻疑落彩霞。煎向鑪中真解語。留從舌本任生花。
碧筒何用誇新製。閒圻瓊苞養露芽。

菊蜜

采得東籬幾斛黃。翁翁也自賞孤芳。一衙風定淡如我。
三徑日烘秋滿房。餐到落英終有滓。釀成清味尙餘香。
此中甘苦憑誰識。瀝向陶家酒甕旁。

將軍石

日落未落橫返景一徑直踏西城堧到門已露微月光
山影參差帶林影此間舊是將軍居將軍好石兼好書
佳名題自用修氏石若倚人爲親疎竒峰拔地青未了
閱盡春花與春鳥當階不作兒女態捫苔逾覺精神老
撐持塵世三百年新圖仍帶古雲烟無數冠纓出後輩
醉醒空說李平泉歸循曲路足踽踽尙有清魂戀遙碧
眼前如見時將軍心中長記將軍石我家將軍亦軼倫
幾度滄桑澤半湮相逢羞對賢孫子獨抱遺經昆水濱

袁伊村索題尋樂處爲賦四絕句

山水之間自結廬廬中有樂復誰如白頭曳杖時相過
調膳花前候起居

綠陰葱蒨好園林一盞清茶一曲琴明月半簾雲已淨
知君樂向孔顏尋

生意填胷物自欣幾回招我慰風塵舟車有債還難畢
恐是先憂後樂人

哲兄廿載去專城廊廟山林各性情恨不君行仍第五
任他驃騎負時名

東南湖孝廉並訊丹山近狀

六載長安別今朝走馬過人皆稱孝友身喜脫干戈酒

較當時減詩聞近日多丹山老居士清况果如何

柬許丹山

益友無多君尙健家朋三壽雪盈顛
新開丙舍當山水老守遺經繫後先
日永書臨青嶂讀窓虛人抱白雲眠
迢迢朗月清風地已賦閒居二十年

我作忙人忙未了六年精力耗輪蹄
帆懸海日方之外馬踏邊雲陝以西
簪紱繫身愁畫虎關河入夢畏聞雞
妍媸自有尊嫜定勉作蓬鹽小戶妻

段南湖約泛南湖

榆河風定閒相過打槳遙隨鷺認汀
兩岸人家依水靜

四圍山色入船青歸循仄徑初生月醉向高門凝聚星
宮體莫談三十六一燈堂上有傳經

三旬西子湖邊住雙槳頻頻問六橋天壓波光青不了
浪含雪影白難消連年夢尙迷春水此日人客近短橈
已有江鄉佳趣在酒鐺茶灶興偏饒

宿許氏宗祠口占贈晉齋選士

庭餘荷竹雨涓涓屋上青山屋下泉又晤當年許丁卯
談詩說畫不曾眠

老輩交情事事真壁粘斷句易傷神吟魂都化遼東鶴
滿目翻疑對故人

同作長安萬里遊金臺風雪儘堪愁
棕巖已死簪巖老
轉眼沙塵各馬牛

是否亭亭倩女魂
山公遣嫁向青門
爲雲不屑甘爲石
十九峯容作弟昆

喜有清談就阿戎
書燈遠映一窓紅
新詩向我頻揚扨
爽俊居然勝乃翁

濯足萬里流圖爲丹山題照

丹山丹山古君子
皓首橫經對榆水
足左不踏十丈之
軟塵足右不踐五都之鬧市
偶因拾橡來南村時爲看
花入西寺宿垢無由沾
脚跟快意豈必在一洗閒畫扇

舟凌大荒洪波蕩蕩來瞿唐截斷衆流得清淨散髮風
前興更狂志和張天隨陸江之涯與海之曲滿載絲桐
幽趣多濯纓何妨亦濯足呼船昨日記同遊雲濠湖光
萬頃秋悔未拉兄齊解襪也伸兩足搖滄洲

題仙蟠先生遺像次簪崖韻

洪河豈仗細流增金有堅光玉有稜闡苑雄文誰許並
章江循迹尙堪徵老留真面還千古喜傍清門識一燈
欠作當年朱履客高風未盡仰憑陵

讀罷遺詩意氣增斷縑零墨見丰稜鬚眉豈便輸張鎬
斌媚何嫌似魏徵論定百年無按劍光垂四葉有傳燈

瓣香數下先生拜我亦嚴灘弔子陵

先生嚴灘詩現刻子陵祠中

乞花行柬劉蘭谿

蘭谿知我負花癖無花到眼生煩憂
洋茶一株遠相致瓊苞綺錯星懸毬
開經百日有餘態寶光晴照禪堂幽
以梅易茶殊好事冰肌玉貌何其修
時方卧病困床褥虛簷移對神忽適
暗香入夢聚復散疎影落枕沉或浮
連年失意走吳越千紅萬紫如輕漚
洪園梅花大于盞買船平山堂下遊
把杯勸花花勸我醉看明月橫邗溝
昨春假館樂城北洋茶放向牆東頭
玫瑰瑪瑙極鎖細水晶火齊交綢繆
繁花手折插瓶內惜花欲與花同仇